

Band X., Nr. 4487, Seite 216

Elisabeth von Tübingen genannt von Eberstein wahrt sich das Rückkaufsrecht an dem Hof zu Bildechingen, den sie dem Kloster Kniebis überlassen hat.

Kirchberg, 1294. Februar 1.

Ich Elizabeht von Tüwingen die man ouch von¹ Eberstain nemmit, tün kunt allen den, die disen brief gesehent oder hõrent lesen, daz ich und die herren abe dem Walde von Kniebüz über ain kommen sin umbe den hof ze Bildechingen daz ich in den wil lasen durch got und durch unser fröwen also, swenne ich geabe ains und hundert phunt Tüwinger phenninge, daz sie mirne wider ze köpenne geaben und mir abe slachen also vil, also der kuster von Swaben und der gardian von Tüwinge haisent. Dis sulen si niemen gebunde sin wan min ainiges libe. Ich sol öch han daz holze daz da haiset daz Gehay. Wirt diw capelle ledik, die wil ich leabe, die sol ich liehen, stirbe aber ich, daz ich den hof nit wider geköfet han, so sulen si in han mit allem rehte und sulen min gedenken und swaz rechtes si hant ze der capelle und zû dem holze, des gan ich in wol. Her an waz der gardian von Tüwingen, bruder Berchtolt von Botebor², Huk der schriber von Boltringen, Johannes von Krumpbach³, Berchtolt der richter, Volmar der Rütteler und ander erbear lûte, die wol ziukbear sint. Daz dis war sige und steate blibe, dar umbe henke ich min insigel an disen brief.

Dis geschach, do man zalte von gotes gebürte zwolf hundert jar und nünzik jar, dar nach in dem vierden jare, an unserre fröwen abende so man sprichet der liechtmes, zo Kilperk in dem closter.

Textabdruck folgt dem Original.

Siegel abgegangen. Die Urkunde ist von anderer Hand als die vorhergehende geschrieben.

¹Über der Zeile.

²Großbottwar, Großbottwar, LB, bzw. Kleinbottwar, Steinheim an der Murr, LB.

³Vielleicht Krumbach, Sauldorf, SIG.

Überlieferung und Publikationen

Lagerort:

Pfarrarchiv Bildechingen

Weitere Angaben

Beschreibstoff:

Pergament

Sprache:

Deutsch

Ausstellungsort:

Kirchberg

Ortsindex:

Bildechingen Wohnplatz (7457)

Bildechingen, Horb am Neckar, FDS

Großbottwar Wohnplatz (980)

Großbottwar, LB

Kirchberg Wohnplatz (12729)

Kirchberg, Sulz am Neckar, RW

Kleinbottwar Wohnplatz (1098)

Kleinbottwar, Steinheim an der Murr, LB

Kniebis Wohnplatz (7420)

Kniebis, Freudenstadt, FDS

Krumbach Wohnplatz (21429)

Krumbach, Sauldorf, SIG

Poltringen Wohnplatz (16228)

Poltringen, Ammerbuch, Tü

Ruine Ebersteinburg (Alteberstein) Wohnplatz (5202)

Ruine Ebersteinburg (Alteberstein), Baden-Baden, BAD

Tübingen Wohnplatz (16214)

Tübingen, Tü